

Scheibenschlagen

2004

Nachname Vorname

Löschgruppe Graf-Gurnau

Grafer Kapelle

Liabe Leit, heint mecht mar enk olla schia begrießa,
wos d' rnoch iatz kimmt, sell kuan verdrießa.
Noch oltem Brauch tia mar ou Böller schiaßa.
A Verübl, dös war ins gor it recht,
a Hetz muaß sei, wega dem tia mar's decht.
D' Fuirwehr tuat enk in dr Noat olli halfa,
drum seits it beas und lot'sas galta.

Die earscht Scheiba, die hella,
keart dr Grafer Kapella.
Daß dr hl. Johannes von Nepamuk weiterhin über ins wocht,
und in dr letschta Stund für olla a Fürsproch mocht.

Da Böller hobts keart, iatz gia mar's on,
zearscht keima huira d' Gurnauer dron.

Thöni Maria

D' Maria muaß n' Bua aufs Dach auchaschicka,
denn da gibt's allerhand zum Flicka.
A paar Ziegl austauscht und an nuia Giebl hat sie kriegt,
damit des Dach beim negschta Sturm nit ochabiegt.
Mir winscha dr für des Jahr s' allerbescht,
und lassa den Böller krocha ganz fescht.

Fam Juen Klaus Anna

An mord's Schada hat der Sturm gmacht in dr Neadr im Wald,
aber Holz isch recht fei im Winter wenn es isch kalt.
Dr Klaus isch an fleißiga Mann
er bringt all Tag bis zum Obad a kluans Fiarli zamm.
Sei Schlepperli isch zwar alt und ou recht klua,
aber da Weg var Neadr auða findet es schua bald allua.
Es isch ou gleich dass kua Liacht mia brennt,
weil ou dr Klaus da Weg im Finschtera kennt.
A Taschalompa in der Hond, des gibt an kluana Schei
sicher isch sicher, es kannt ja ou amol an Gegenverkehr sei.

FA Maschler Karl

Dr Maschler stellt olli seine Autos aus
des isch an wahrer Augenschmaus.
Ob Nuie oder Gebrauchte, aber guat beinand
schaua kema die Leit vom gonza Land.
Ob Alt oder Jung
bis in d' Nacht icha schwanzla sie um die Autos umadum.
Wenn dia Leit all eppas koufa
weard dei Gschäft ja recht guat loufa.

Siegele Angelika

D'Geli tuat s' ganz Jahr inser Land prächtig verkaufa,
und dafür sorga, damit sich die Gäst im Talkessel nit verlaufa.
Beim Tourismusverband in Zams tuasch du die Leit sicher guat berata,
und die besta Aktivitäten verrata.
Du tuasch dei Arbeit sicher guat koordiniera,
und lass die von die Gäst nit seggiera.

Siegele Gerd

Die Scheiba isch außi weit und schian,
iatz bleiba m'r beim Gerd stiahn.
Von dir war sicher leicht eppas z'schreiba,
wenn ma grad wisst wo die tuasch umchatreiba.
Damit m'r neagscht's Jahr haba wieder z'berichta an Haufa Sacha,
lassa m'r no an Böller kracha.

Siegele Werner

In Wenno tian m'r in Gurnau gar numma oft entdecka,
wo tuasch die denn du alli verstecka?
Mit deiner Freindin sieht ma die öfters durch die Innsbrucker Altstadt spaziera,
und dabei sicherlich s'oune oder andere G'schäftli inspiziera.
Dass die neagscht's Jahr lasch wieder öfters blicka,
tian m'r die Scheiba b'sonders weit außi schicka.

Fam Siegele Waldemar

Dr Waldemar hot da Käfer drin in seina Fichta,
er tuat si um, weil so eppas muaß ma glei richta.
Dia Beim stiah in dr Neadr ob da Gleis,
ga holza geahrt er beim ergsta Schnea und Eis.
Er neatat mit dena Beim, der guate Monn,
dass er nit verkugelt, hot er sogar Steigeisa on.
Hundsmiad isch er, deis isch an Tschoch,
ausfliaga mit'm Hubschrauber, so wia di Pianner, des war holt a Soch!

Juen Monika

Was sell mar über d'Moni groaß berichta,
außer dass sie tuat auf Stanz auða flichta.
I atz hoba sie baut a groaßes Haus,
und d'Arbeit geht sicher no long it aus.
Loss di nu no a bissli vor Mama verweihna,
an eigana Hausholt fiahra muasch eh earscht gwöhna.

Fam Juen Josef Paula

Ja dr Seppl und d'Paula des isch schua klar,
tia buggla s'gonze Johr.
Es settat's gscheiter amol an Urlaub mocha,
und die Orbeit dr Kinder überlassa.
Mir hoffa es nehmt's enk inser Sprichli zu Herza,
und tiat's mit enker Gsundheit nit scherza.

Fam Juen Hubert Erika

Wenn ma jahraus jahrin d'Familie verwöhnt
isch es Zeit, si d'Erika salber a Auszeit gönnt.
Des Wellnesshotel Engl im Außerfera isch an Hit,
es darf aber nu ihr Freundin mit.
Drweil d'Erika und d'Irene im Dampfbad hocka und in Swimmingpool hupfa,
muaß dr Hubert dahuam da Haushalt schupfa.
Hubert, deis Galt für die Kur braucht di nit ruia,
wenn si huimkimmt hasch a Frau, fascht wia a Nuia.
(I atz schiaß mar a Rakteta ganz weit aua
ja Hubert, so isch des heind mit dena emanzipierte Frau.)

Fam Schmid Helmut Linde

Im Summer hot d'r Helli ober g'schaut,
wia der Wind dahuam sein Hausdoch obbaut.
dia Ziegel sei g'floga, wia inserei Scheiba, weit und schian.
do konsch nocha lei mia in Deckung giahn
Dös hot d' Helli ober nit scheniert
im Nu wor dös Doch wieder repariert.
D' Familie hat si mit ama schiana Gschenk bedonkt
an Gutschein für ana Motorradlakurs
dass er bam Fohra in da Kurva numma so schwonkt.

Fam Schmid Harald Angelika

Uans miaßa mar glei am Anfang schreiba,
deas mit Fuaßball, Harald lossas liaber bleiba.
Bei am Altherra Spiel in Grins ischas passiert,
dar Harald isch mit am Gegenspieler kollidiert.
An morts Schnall hats toun und dar Harald isch am Bouda gleaga,
dass da eppas nit stimmt hat ma glei gsecha, er hot sich glei miaßa sei Knia
fescht heaba.
Deas tuat weah wenn's dars Knia sou verbiagt,
miar hoffa lei dass ma da mit dar Therapie wieder alls hinkriagt.
Dass dein Fuaß bald amal wieder konsch abbiaga,
tian mar dar iatz a Scheiba übers Brettli außa schiaba.

Fam Grießer Hubert Rosmarie

Im Jänner klopft d' Rosi an olla Gurnauer Tira,
kimmt si eppa ga hausiera?!
Na, si isch mit da 3-Kini unterwegs
und hebt d' Hond auf für a Spende und für a poor Keks.
Si passt au, das olls passt im Chor,
beim Kaspar, Balthasar und Melcheor.
Außerdem hoba miar keart,
wenn d' Rosi ausgeht, dass es geara spater weart.
Beim Ball in Pians tunkt si's so fei
do nutzt nuit, do muaß si bei da letschta sei.
Dr Hubert isch miad, der geht drweil huam ins Bett,
dass es fei worm isch, wenn d' Rosi kimmt, deis isch decht nett.
I atz loss mar no an Böller knolla,
d' Feschtle muaß ma hold feira, wia si folla.

Grießer Eva Maria

Di nägscht Scheibe schlog mar vom Brett,
dia isch für d'Eva, dia deis Johr s'earscht Mol a Sprichli kriaga sett.
In dr Kindergortaschual tuat si über da Biacher briata,
und learnt wia deis geht, onderleits Nachwuchs hiata.
In dr Tasche hot si ou schua da Fiahrerschei,
mit Papas Auto umakurva, des isch decht fei.
Iatz konnsch die Vespa ins Eggli stella,
weil dia hot eh nia so recht wella.
Gonz guat gfolts ihr ou bei dr Pianner Musi,
deis glob mar geara, hot si decht mit ama Musikont a Gspusi.

Fam Scheiber Helmut Martha

Zur Scheiba iatz ou nou an Böll'r schnellt
zum Donk , dass er ins zum Scheibschloga olli d'Garasch zur Verfügung stellt.
D'r Helli isch iatz an Computerfreak, sall isch wor,
stundaweis hockt er noch Feierabend d'rvoar.
Bama spezielle Spiel (Stronghold) kennt er si guat aus
do isch er sogar da gonza Gurnauer Buba voraus.
Und sett'si eppar bama Computerspiel nit auskenna,
noch kann er jo zum Heli renna.
Ma kann'ts foscht nit glouba,
ober bama Spielwettbewerb war er sicher vorna doba.

Scheiber Robert

Dr Robert hat sich iatz a nuis Auto kouft,
weil sei alter Grotta numma louft.
Bei seiner Musterung hat er teuflisch long umma toan,
drwurscha hoba sie ihn huira decht die Stellungskommision!
Zearsch hoba sie ihn als Jager hergnoma,
deis hat ihm nit gfolla, iatz loadet er halt die Gulaschkanona !
Deas taugt ihm iatz gar numma so schlecht beim Heer,
drum startet er iatz in dr Kuchl a morz Karrier!
Zum Schluss gibt's nou an Böllerschuss und miar wüscha dir a morz Gaudi
mit deem nuia Audi.

Rainalter Ekehardt

Mit dem alta Pritshawoga,
da hoba Schandi gmuant sie kenna da Eki olli ploga.
Alli hoba sie eppas anders wella
die Schandi mit dena rota Kella.
Mit der Zeit ischas' m gwora zviel,
drum hat er sie umschaut um a anderes Automobil.
Die Reparatur hot' m darloadet ou,
so hat' r dafür iatz an Peugeot.
Dein Radius isch groß, wo geasch alli um
vom Probelokal bis zum Architektenstudium.

Fam Rainalter Ekehardt Hella

Dia Scheiba isch auða, der Böller vom Tisch
weil bei dr Rainalter eppas vorgfalla isch.
Mir kenna deis nit verstiah wie des so geat,
daß wie aus' m heitera Himmel an morz Blumastrauß im Hausgang steaht.
A schians Kartli war ou dabei,
"Dein lieber Eki isch so frei !"
Ob der Jung oder dr Olt isch nit drauf gstonda,
drum hobas boade nit verstanda.
Ekehard Senior, miar geba dir an guta Rat
wenn amol nit all' s geat glott, tua ins Blumagschäft loufa
nocha braucht d' Hella nit salber Bluma koufa !!

Fam Huber Robert Gabi

D' Gabi und d' r Hansrobert hoba olli a Gneat
kaum, dass ba deana zwoa amol a Auto steaht.
I m Gschäft sein si fleißig, sall muaß ma schuan sogä,
drum setts ou amol an Urlaub troga.
Am Meer isch as schian sall wissa miar genau,
ober d' r Hansrobert und d' Gabi stella dia Strondliega ou im Gorta au.
D' r letscht Summer wor jo ba ins do ou so schian,
do hobats kenna im Gorta bleiba und hobts nit miassa ins Burgalond giahn.
An Böller lossa miar nou dass es knollt
und enk dös bissli Freizeit ou guat g'follt.

Huber Susanne

Daß d'Susi lei mit'm Auto fohrt, kann nit stimma,
weil ihr Fitness tuat si olli trimma
Im Joggingwandla draht sie ou ihri Runda
und hot zum Gschäftsleba an Ausgleich g'funda.
Und setsch nit geara allua umchaflitza
sogs da Fiurwehrmand'r, dia loufa schua mit
ober bei Deiner Kondition kama sie eppa z'schwitzta.

Fam Schütz Egon Sissi

Di nägscht Scheiba tia mar nu sou ochaschmeiða,
weil do wella mar da Egon und d'Sissi verreißa.
Seit a poor Johr mecht sich dr Egon a Schneafräsa koufa,
nu tuat deis bei dr Sissi nit sou loufa.
"Deis bissli Schnea deis wos es bei ins do mocht,
konnsch mit dr Schaufla mocha, deis war decht glocht.
A bissli Sport isch decht nit schnecht,
dia Schauflerei isch do grad recht."
Dabei wara bei da schneaorma Winter dia Fräsa billig,
geah Sissi, sei decht a bissli willig.
Drweil mochts da Egon beim Schnearauma schwitza,
miar lossa dr dafür a Raketa blitza.

Schütz Caroline

Obwohl mir d'Caro in Gurnau gar numma oft sichta,
haba m'r decht eppas zum dichta.
Bei deem Studium in Innsbruck tuasch die weiterhin fleißig engagiera,
und mit große Schritt Richtung Ende marschiera.
In die Ferien tuasch in Fiss die Kinder s'Schifahra unterrichta,
damit die Kinder haba am Abende viel die Eltern z'berichta.
Dass d'r ou weiterhin als so gut gelingt,
a Raketa in Himmel auchi singt.

Schütz Florian

Der Florian hat s'letscht Johr an Arzt kontaktiert,
weil ihm isch beim Toura giahn (Schitour) epass blöds passiert.
Bei dar Abfahrt vum Gratli ischas nämlich gschecha,
d'r Flo setzt in Schwung an, rutscht aus und leider isch da ou an Stuan in dar
Necha.
Sou a Begegnung kann schmerzhaft sein,
da findet ma sich glei zu ara Untersuchung im Krankenhaus ein.
Nach seim Unfall hat'r sich glei an Helm zum Schifohra kouft,
sicher isch sicher, ma woäß ja nia wenn's s'negscht mol nit louft.

Larcher Carmen

D'Carmen isch a vielbeschäftigte Frau,
ma tuat die antreffa in d'r Bank od'r am Bau.
In d'r Bank tuasch ou no Kinder betreua,
und dabei kuan Aufwand scheua.
Mit a paar Kinder bisch ins Kino g'fahra an Film anschaua,
auf selche Jugendbetreuer kann a Bank sicherlich bauer.
Zum Schluss muss d'r Fuierwehr schua no eppas saga,
hoffentlich tian die neagscht's Jahr nit schua die Grinner beim Scheibaschlaga
plaga.

Fam Larcher Peter Margret

Die Scheiba isch aussu an Böll'r hot krocht
miar mechts damit soga, dia Orbat im Gemeinderot hosch du 12 Johr guat
g'mocht.
Ou für'n Peter hommr' dean Böll'r gschossa,
weil dear hot si zum 50 er ama nuia Verein ongeschlossa.
Zu da olta Säck keahrt er iatz d'rzua,
d'rweil isch er nou riahrig wie an junga Bua.
Sogar mit ama nuia Motorradla fohrt er iatz im Summ'r spaziera
und tuat so manche Kurva ausprobiera.
Im Ötztal gibt's ober a so a Kurva, dia hot ihn nit mega,
und schua isch er am Asphalt glega.
Du hosch iatz jo Zeit, du kannsch es jo gmiatlicher mocha,
nocha tian dir kuani Rippa mia weah bam Loch.

Larcher Mathias

Dr Mathias und deis isch gwieß,
isch im Burgenland beim Grenzschutz am Ries.
Er tuat mit'm Bundesheer durch ganz Österreich geischta,
und darf si det kuan Fehler leischta.
In der Liebe isch's ou numma so guat,
kaum isch die Simone wieder da,, muaß er leider furt.
Iatz tia mar no a Scheiba weit, weit aua schiaßa,
auf des, dass du nit tuasch verdriaßa!

Marianne -Gerhard Kopp (Gäste BRD)

S' gonz Johr tia d'Marianne und dr Gerhard spora,
dass si kenna zum Scheibaschloga fohra.
Es tuat ins ou saggrisch freia,
wenn mir so bekamte Gsichter seia.
Iatz lossa mir nou an Böller und a Raketa sausa,
weil beim Spendiara tiats ou nit knausa.

Volbat Hubert+ Ingrid

D' Ingrid tuat geara a bissli inkoufa fohra,
und deis hot sich wella dr Hubert drspora.
Lieber isch er gonga mit'm Peter Holza,
und mit'm Schlepper in Thial aucha polza.
Aufgloda hoba sie an groaßa Haufa,
den Hubert hat's gmacht saggrisch schnaufa.
Beim Huimfohra isch er g'hockt auf dera Fuhr
wia von am Jaguar die Kühlerfigur.
Ingrid tua statt Urlaubfohra a Waldli koufa
nocha kann der Hubert um's Holz umchaloufa.
Dass deis Gschäftli ou gelingt
iatz no a Raketa singt.

Vogt Helga

A schiana Scheiba lossa mar iatz marschiera
und tia dr Helga und dem Michael zum Madali gratuliera.
Si weart sicher so fesch wia d' Helga weara,
weil dia siecht dr Michael ou sou geara.
Ouba drau lossa mir nou an Böller krocha,
Hoffentli tuat s'Poppali nit drwocha.

Vogt Stefan

Dem Stefan tia mar a Scheiba schiaßa,
und drmit bis Solzburg grißa.
Miar wissa it wos er tuat treiba,
drum wissa mir ou it wos schreiba.

Vogt Herta

Für d'Herta isch di nägscht Scheiba aus Birkaholz,
si isch s'letscht Johr Oma gwoara und hot an mords Stolz.
Im Fitnessraum im Kaller tuat si Sport betreiba,
mechtasch fü'n Freund, woäß ma nit, schlonk bleiba?
Du machsch mit dera super Figur
im Summer sicher wieder a 'Radlatour.
Mocht dir uan Verehrer amol an Ärger,
radl'sch s'negscht mal mit'm Erhard Berger.
Dia Raketa wos iatz singt,
hoffentlich dr Herta ou no nachkimmt ?!

Fam Schultes Hubert Brigitte

Im Langez hot sich der Hubert da Hut aufgsetzt,
und isch da gonz Summer da Kalbla nachgwetzt.
Giat's huira im Summer vielleicht wieder hiata,
vergesst's it bei ins zum Pfiata.

Fam Marth Edmund Helene

D'r Edi tuat olli nett vom Auto aussagrißa,
drum tian miar ihm und d'r Helene ou an Böll'r schiaßa.
Wo wearsch Du eppa olli Deini Runda drahia,
ma sieht Di nia bam Schnea rauma oder Rosa mahia.
In deem Beruf d'rfür kimmsch weit umma, und mochsich ou geara
vo Londegg über Imscht bis ins Ausserfeara.

Fam Landerer Franz Elfriede

Dr Franz tuat si langsam an s Pensionsleba gwena,
er werd si numma garaso noch dem Geschäftsleba sehna.
D' Elfriede und der Franz brauchha sich in Zukunft kaum Sorga macha,
weil die Madla nit weit weg sein und halfa mit bei alla möglicha Socha.
Ab März werd dr Franz endlich sei Pension genießa,
drum wera miar dir no a Raketa aucha schießa.

Würthenberger Claudia u. Armin

Für a nuis Auto muaß ma long spora,
aber den rota Flitzer den hat ma miaßa hoba.
I at's braucha die sich numma umaploga,
beim In- und Ausloda mit'm Popawoga.
Daß enk im Opel nie nuit passiera tuat,
lega mar enk no a Scheiba in'd Glut.

Carpentari Jürgen und Sonja

Übern Jürgen wissata mar vo viel zu berichta,
dass mar miaßta zwoa Zettl für ihn richta.
Zerscht hat er baut auf aufs Carpentari Haus,
und deis schaut ou noch eppas Gscheitem aus.
Zum Madla mechta mir enk gratuliera
und des ischas ins Wert a schiane Raketa zu spendiera.
Mit dr Laura und im Jürgen kranker im Haus
da geht dr Sonja d'Orbeit sicher nit aus.
Mir hoba's probiert a bissli kurz zu fassa,
und mir glouba mir kenna des ou so lassa.

Fam Carpentari Reinhard Michaela

Dr' Reinhard mecht sich iatz als Politiker probiera,
weil ma für des viel Zeit braucht, hat'r aufkeart studiara .(Abendmatura)
Er tuat sich in Graf-Gurnau fest engagiera,
und mecht gradaus in Gemeinderat marschiera.
Dass für des Riadli kannsch eppas tian,
miaßa mir Einwohner fest hinter dir stian.
I n Grins da brauchsch manchmal a dicke Haut,
für des weart dr iatz a Scheiba gonz weit ochakaut.

Fam Carpentari Sandrino Rosmarie

Dr' Sandrino hat huira auf dr Trams eppas Nuis probiert,
da hat'r an privata Kajakkurs absolviert.
Der Sport isch zwar gfährlich aber schian,
drum weard dr des no öfters tian.
So sieht man öfters schua im Inn
da kimmt'm alli wieder sein Zecha in Sinn.
Den hot'r sich beim Letztschtamal brocha,
danach isch er lei mia in Hügerl aua krocha.
Und dass iatz ou konnsch drüber locha,
lass mar dr no an Böller gonz laut krocha.

Fam Carpentari Reinhard Marlies

Wenn in Gurnau kua Kerza tuat brenna,
sicht ma d' Marlies glei ins Kappali aua renna.
Deis kann sie glei verbinda mit'm spaziera gian,
dia Gegad bei ins isch halt decht no schian.
Im Reinhard mocht deis nit so viel Spaß,
der gibt in der Zwischazeit liaber auf dr Schipista Gas.
Laß die dabei vom Leo nit a so hetza,
nit daß sich dabei unaer tuat verletza.
Vielleicht tiatz enk amol a Hobby zu zwoat zualega,
des vos atz gemeinsam kennatz pflega.

Wilhelm Karin

Die Karin des isch so a Frau,
ob si in Gurnau isch oder nit woäß kuaner genau.
Ab und zu sieht ma ihr Biabli am Spielplatz umasausa
oder d'Wasch flattert auf dr Terassa daußa.
Dr Rauch steigt aus'm Kamin,
und nocha isch sie wieder di lengscht Weil dahin.
Wenn ma insere Runda draja beim Kassiera,
wer maru ou bei dir leita, ma kanns ja probiera.

Pfisterer Dieter Köhler Christine

Mit dera Scheiba dia mir iatz schiaßa,
tia mir d'Christine und da Dieter begrießa.
Damit ins nit geahrt dr Gesprächsstoff aus,
schickt dr Dieter und d'Christine a Postwurfsendung in jeds Haus.
Vielleicht interessiert des nit nu ins,
drum lossa sie's austoala in gonz Grins.

Pfisterer Peter

Was sell mar übern Pete nu schreiba,
wenn er sich tuat so weit außerhalb vo inserm Riadla umchatreiba.
Uans isch gwiss, s'heirata hot er im Sinn
deis weart ou langsam Zeit im heiliga Paznaun drinn.
Im Juni weara d'Hochzeitsglocka leita,
und dr Pete weart gonz brav mit dr Sabine zum Trauoltor schreita.
A Raketa schiaß mar iatz weit aua,
mochts es guat und tiats enk lei traua.

Pfisterer Bernd

Weil sich dr' Bernd nit viel aus Silvester macht,
hat' r dia Wocha im Krankahaus verbracht.
Weil ind' r Nacht s' Licht ausgwesa isch,
hammar gwisst dass krank gwesa bisch.
Bernd, wenn amol öfters gingsch unter d' Leut,
kannta' sch mit ins toala dei Leid.
Daß ins aber trotzdem tuasch gsund bleiba,
schloag mar für die iatz no dia Scheiba.

Fam Haag Sabine u. Peter

A schiane Raketa lossa miar iatz marschiera
und tain damit dr Sabine und im Peter zum 2. Biabla gratuliera.
Sie hoba beschlossa an Mathias zum toufa,
bold amol weard er mit' m Thomas umchaloufa.
In a paar Jahr konn der Peter locha
do braucht er numma allua s' Holz zsamm mocha.
Mir wünsch enk zum Sega viel Glück,
und schiaß nou drau an Böller gonz dick.

Fam Schütz Erwin Christine

D'r Erwin hat sich leatscht's Jahr g'sucht an nuis Hobby,
er isch ganga unter die Fliegerlobby.
An riesiga Modellhubschrauber tuasch iatz dei eigen nenna,
ober des fliega kann ma nit vo Anfang an kenna.
A Trainingsprogramm am Computer hat über'n Winter her missa,
damit ma kann im Frühjahr unfallfrei in Himmerl auchi schießa.
Hoffentlich bisch nit z'viel Zeit vor dem Programm g'hängt,
weil bei deem Umbau hasch d'r ja saggrisch in Finger klemmt.
D'Fuierwehr tuat d'r no a Raketa in Himmerl auchijaga,
dass die dei Verletzung tuat nit no lang plaga.

Schütz Manuel

Insern Manu tunkt's in Innsbruck richtig fein,
drum ruckt er allbot in die Conradkaserne ein!
Der arme Bua wollt amol eppas drleaba,
nocha isch er kurzer Hand in a andere Kaserna g'fohra da Zechanagel abgeba.
Ou d' Matura hat er s'letscht Jahr gmocht, miar gratuliera
und lassa nou an Böller explodiera.

Fam Walter Markus Sybille

A mortz Feier hat's huira in Gurnau geba,
des keart beim Markus und d'r Sybille darzua zum Leba.
Dr Markus hat sein Traumjob gfunda,
und draht im Altersheim als Diplompfleger seini Runda.
Tua ins die olta Leit guat pflega,
mir hoba keart sie tia di recht gera mega.
Oh d'Sybille hat sich verwirklicht an Traum,
uns so isch entstanda an Friseursalon im Kellerraum.
So wear i decht selbständig des war ja glocht,
und hat prompt in Moaster und d'Gewerbeprüfung gmocht.
Damit sich der Kundastock groaß aufbaut,
loaß mar enk iatz no an Böller gonz laut.

Walter Berta

D' Berta und dr Eugen mitm netta Poppl
sei geara gfohra mit ihrem Opel.
All Wocha tuat sie zum Noldi nach Innsbruck fohra
auf uamal will d'Berta sich den ÖAMTC dr'spora.
Sie hot sich für a nuis Auto entschlossa,
aber um den alta Opel wochalong verdrossa.
Braucht hot Berta ou a'gleimera Housa,
weil's nuie Auto war eng wie Konservadosa.
Iatz sitzt ma vielleicht numma so bequem,
dafür hosch's klianare Parkplatzproblem.
Dass der nuie griane Flitzer bringt viel Glück,
lossa miar nou a Raketa gonz dick.

Senn Anna

D'Anna isch fescht unterwegs sall isch gwieß,
inkoufa , zum Friseur, zur Massage oder si isch mit da Seniora am Ries.
Weard ihra fad vo Zeit zu Zeit
naht sie Schirzla für ihra gonza Weiberleit.
Iatz loss mar a wunderschiane Raketa marschiera,
und tia nachträglich dr Anna no zum runda Geburtstag gratuliera.
Gfeiert hat si fescht, wie sich'skeart,
weil ma ja nit all Tag 80-ig weart.

Fam Senn Werner Brigitte

Die Familie Senn hat ou an Has,
der frisst im Winter Ha und im Summer Gras.
Im Winter weart er im Kaller inquartiert
damit er's warm hat und nit drfriert.
Dr Brigitte tuat er im Käfig drborma
si lasst ihn aus undim Kaller umasausa, den Orma.
Der braucht decht ou a bissli Sport
da geat die Tür off und dr Has isch fort.
Iatz gibt's auf der Soga a Hosajagd,
a Freid wie der Has di Senna Weiberleit plogt.
Dr Has treibt mit ihna sein Schabernack
die Brigitte hechtet hinternach im Zick Zack.
So a Hosajagdt isch decht an Hit
da bleibt dr Has zammt da Weiberleit fit.

Senn Evi

D'Evi hat sich denkt, deas kanns nit geba,
i kann decht nit alli lei in Landeg leba.
Sie hat sich in Innsbruck nieder g'lassa,
und sich g'sucht ou no die schianste Gasse.
Damit ma sich kann so a Wohnung finanziera,
muss ma viel Zeit in sei Arbeit investiera.
Am MCI tuasch die Studenta durch's Studium fiahra,
damit sie nit in rechta Weg verliera.
An Böller lassa m'r iatz no kracha,
damit deas weiterhin kannsch so gut macha.

Senn Petra

D'Petra tuat sich huira ou wieder in unserer Runda umchatreiba,
drum tian m'r glei no an Böller anreiba.
Daham g'folts dr Petra olli wieder recht guat,
vor ollem, wenn di Ursula so brav kindsa tuat.
Hoffentlich tian m'r die ne'gschts Jahr in Gurnau öfters sichta,
nach kenna m' wieder mehr dichta.

Fam Senn Arnold Ursula

Mit'm Arnold sein Hund isch deas so a Gfrett,
der isch z'Nocht im Schlofzimmer neb'm Bett.
Wie so on d'r Kallertür an Inbrecher bam Schloss probiert,
dar Hund schlogt brav on, ob'r d'r Arnold hot dös ignoriert.
Er weard si denkt hoba, meine Baia werda dean schuan ver'joga
ober im Jänner tian si dia Viechla ou nit vor die Tür aussaploga.
Zum Schluß joga miar nou a Raketa aua,
und wenn s'negscht mol Dein Hündli onschlogt, geasch besser schaua.

Fam Winkler Franz Kreszenzia

So an Unwetter in der Neadr isch nit olli schian
d'rnoch muaß der Franz und d'Zenzl holza giahn.
D'r voar ober a guats Frühstück sall isch guat,
weil's Brot d'rzua d'Zenzl mit ama schiana Morgenmont'l hola tuat.
Mit ama Schlepper konn ma si im Gelände gonz guat riahra,
dass dös ober funktioniert, sett ma ob und zua dia G'lenker schmiera.
A Raketa lossa miar iatz nou zum Schluss
dass dear Schleppar olli bleibt guat in Schuß.

Fam Haslinger Hans Gertrud

An Böll'r lossa miar iatz nou vom Tisch,
weil der für zwao Pensionishta isch.
Wos tian sie eppa olli, ma heart nit viel,
sicher hocka si oft bama Kortaspiel.
Dös Jassa tuat dr'Hons genau studiera,
und wie ma heart, hold nit geara varliera,
drum tuat er si nocha bam Schifohra abreagiera.
D'rhuam isch d'Gertraud olli geara,
und wenn sie spziera gehat,
tuats holt olli wieder d'Hoorlondrunde weara.

Fam Plattner Wolfgang Angelika

Dr Wolfi schaut im Finanzamt, dass d'Leut brav ihre Stuirza zohla,
aber iatz engagiert er sich bei da Grinner Gemeinderatswohla.
Für die Graf-Gurnauer Lista tuat er kandidiera,
mir hoffa er weard si für ins fescht engagiera.
Die Wahl isch no nit gschloga,
aber a bissli Wahlwerbung kann ja nit schoda.

Fam Traxl Richard Frieda

Früher war z' Grof nou an Imbiss offa,
do hot mar da Richard und d'Frieda öfter auf ana Ratscher troffa.
Ob und zua sieht ma sa spaziera giahn,
sinsch woäß ma nuit, wos si olli tian.
Lossats ins amo l eppas wissa,
drum weard zur Raketa no u an Böller g'schmissa.

Kobler Maria

D'Maria sieht ma in Graf alli fleißig spaziera,
und ihren nuia Hund an d'r Leine fiahra.
Ganz gera ratscha tian die Grafer Weiberleit,
deas isch an ganz an netter Zeitvertreib.
Bei die Feschtla in d'r Fuierwehrhalle secha m'r die alli gera,
lass sinsch unter'm Jahr ou amal eppas von dir hera.

Kobler Jasmin

D'Jasmin gibt beim Autofahra alli fescht auf die Fußgänger Acht,
d'rum hat sie sich ihr Auto in am auffallenden Mintgrün an'gschafft.
Dei Auto sieht ma im Summer öfters in Prjen stiahn,
du wearsch eppa öfters zum Volleyballplatz giahn.
Dass no fahrsch unfallfrei für a lange Zeit,
halt m'r no an Böller bereit.

Schlatter Maria

D'Maria mog in Stanz douba numma leba,
drum hat's an Standortwechsel auf Zams ocha geba.
Und damit sie kann auf St'Anton arbeita gian,
muaß sie in Heimo alli wonadersch hin tian.
Maria tua ins halt desmal sesshaft bleiba,
sinsch wissa mir negscht Jahr nit ob mar dr kenna a Sprichli schreibba.

Schlatter Harald

D'r Harald isch operiert wara am Knie,
ab'r wia m'r secha, kannsch schua wieder recht gut stiahn.
D'Melli tuat die hoffentlich no recht guat pflega,
damit du kannsch im Frühjahr dein Baubeginn anstreba.
Harald schau dass dei Knie bis zum Baubeginn tuat ganz verhoala,
damit nit muasch die ganze Arbeit an deine Kollgen vertoala.
D'Melli tat sinsch sicher gera s'Kommando am Bau schwinga,
und die Leit zum Arbeits bringa.
Harald, lass deas ab'r earsch gar nit einreiða,
drum tian mir d'r no an Böller ins Feuer schmeiða.

Fam Schlatter Engelbert Stefanie

D'r Engl und d'Stefanie tian si olli fleissi rihra
und dahuam an nuia Heizung installiera.
A so an Universalkessel hoba si im Kaller stiahn
wo Hochschnitzl', Sogmehl, Pellets und sorgor Scheiter ichagiahn.
Vo ama gonza Plan wor deas d'r earschte Streich,
weil s' Doch lupfa und d'ruabau folgt sicher gleich.
Und daß dös ollas guat funktioniert,
zur Scheiba nou a Raketa marschieret.

Nöbl Hannes

Vom Hannes sein weißer Flitzer isch ins alle bekannt,
mit dem isch'r g'fahra in d'r ganza Welt umanond.
Die Lebensdauer vo so am Auto isch halt o lei begrenzt,
ab'r d'r Lupo war g'fahra am liabsta ohne Grenz.
S'Pickerl hat'r für sein Karra no gera wella,
lei d'r ARBÖ hat g'seat, des Auto tuasch besser ohne Nummer in d'Tiefgarage
stella.
Bis in Tiefgarage isch d'r Lupo aber numma g'fahra,
weil er hat auf'm Weg einfach z'viel Benzin verlora.
In Brugga hat'r des Auto grad no in a Parklucka einigflicket,
ab'r lei so lang, bis'm die Schandi haba an Strafzettel hinter die
Windschutzscheiba pickt.
An Böller lassa m'r iatz no kracha,
damit über dei neagschts's Auto numma muasch so lacha.

Nöbl Thomas

Weil d'r Thomas beim Kofler numma gnuag gfordert isch,
da hat'r sich denkt, es muaß an Pc auf' n Tisch.
Am Computer verbringt'r viele Stunda,
und tuat darbei nit lei s'Internet erkunda.
Tua öfter amol auf d'Homepage vu Graf-Gurnau gian,
do tata va ins Fuirwehr die Termine für die Proba stian.
Tommi du kannt'esch di Proba wieder amol a bissli ernster nehma,
und öfters in'd Fuirwehrrhalle voebei keima.
Daß d'Freundin deas guat versteaht,
schiaßa mar a Scheiba, dia was weit auße geaht.

Nöbl Anna

Ba'r Anna weard zearsch an Böll'r gschossa,
weil mit da Siebz'ger Johr hot sie abg'schlossa.
zum 80 er winsch miar Dir s'ollerbescht
vor ollem G'sundheit kimmt zearsch und nit z'letscht.
Viel Scheiba mechta miar Dir nou schloga,
und vielleicht tian mar wieder omal eppas nuis d'rfroga.

Nöbl Ferdinand

Zur Scheiba lossa miar nou a Raketa marschiera
wo dia zwoa olli umgiahn, tat ins schua interessiera.
ober in ama Wold voll Tonna und Bucha,
würd ma sa finda wenn miar sie suacha.
Sall war decht zum Locha,
im Wold in d'r Neadr oder am Plon
isch olli eppas zum mocha.
Sall wars nit d'r Ferdl, miar kennas schuan verstiahn
ohne Motorsoga tuat er nit vom Haus weck giahn.

Kirschner Katharina

Dia Scheiba tian m'r weit auße treiba
und bei d'r Kathi stiahn bleiba.
Hoffentlich tuasch die n'egschts Jahrt wieder viel unter die Leit umchatreiba,
und mir tia für dei G'sundheit no an Böller anreiba.

Moschen Anni

D'Anni isch oft aufm Ries,
wenn ma vor d'Tier geiht sigt ma sa fascht alli sal isch gwies.
Ob beim Spaziera oder in dar Stadt beim Inkoufa,
d'Anni sigt ma oft uminander loufa.
Dass mar dar fürs negschte Johr s Unglück vertreiba,
haua mar iatz weit auða a Scheiba.

Fam Ruetz Markus

Vum Markus wissa mar nit viel z berichta,
ma heart ja ou kuane schlimma Gschichta.
Miar mechta dir und dar Christine herzlich gratuliera,
mas sigt enk öfters eppas im Kinderwoga umma fiahra.
Dia Schieba isch vor allem für enkar Madali Lea dass sie viel Glick hat in ihrem
Leba,
und fürs sall tuat d'Fuierwehr ihra iatz nou an Böller drauflega.

Huber Karin

Di negscht Scheiba tian mar weit ocha schiaða,
huira zum erschta Mal auf dar Lista tian mar d'Karin begriaða.
Wohna tuat sie im Thurnerhaus,
da geiht sie seit kurzem in und aus.
Vielleicht kimmsch ja amol in d'Fuierwehrrhalle ocha,
nocha kannta mar a netts Einstandsfeschtli mocha.

Fam Thurner Udo, Evelin

A wichtigs Thema beim Udo und bei d'r Evelin isch dar Transport,
an Auto isch wichtig, deis bringt die ganz Familie schnell und sicher an an andera
Ort.
Es tat ja wahrscheinlich an VW oder an Mitsubishi ou gniaga,
aber dia zwoa tian liaber mit am nuia Volvo in d'Garage icha biaga.
Uans muaß ma sogä, d'Sicherheit isch ou an wichtiger Aspekt,
und wenn's Auto guat ausschaut isch deis an positiver Nebeneffekt.
Viel Glück im negschta Johr und guate Fohrt,
und dass des nui Auto im negschta Johr kua Panne hot.

Regensburger Michael Dieser Isabell

Dar Michael und d'Isabell sein huira s'erscht mol darbei,
sie hoba a Wohnung gsucht und gseacha, in Graf, da isch was frei.
Vum Michael wissa mar zum Berichta,
er tuat beim Elektro Müller für d'Kunfdschafta im Lager s'Zuig zammrichta.
Mir hoffa, dass'as enk in Grof guat gfallt,
und auf deas aucha iats nou an Böller knallt.

Koch Helga

Wos sella mar vur dar Helga schreiba,
da bisch als Sprichla-Schreiber wirklich nit zu beineida.
Nuit heart ma nuit sigt ma, es isch a Gfret,
wenn ma di lei amol secha tat da oder det.
A Scheiba hola mar decht aus dar Gluat,
auf dass ma s'negscht Johr ou eppas darfroga tuat.

Vahrner Thomas

Liabe Leit es isch kaum zum glouba,
iatz wohnt an echter Mann vu ra Schutztruppe im Thurnerhaus douba.
Thomas hoßt'r und isch bei dar KOBRA gwesa,
deas kann ma als in sein Lebenslauf leasa.
Iatz sein in Graf und Gurnau alle in Sicherheit,
die negscht Scheiba fliagt iatz ausa ganz weit.

Pammer Herbert Kathrein Anni

Was sella mar denn beim Herbert und bei dar Anni schreiba,
miar wissa dass sie sich im Urlaub geara d'Zeit an dar Adria vertreiba.
Außerdeam hoba mar nou eppas vu ara Kotza keart,
dia kannt ins Guinnessbuch der Rekorde keama, wenn dia weiter aso guat gfiatart
werd.
Miar winscha enk fürs negscht Johr als Guat,
und hola für enk a Scheiba aus dar Gluat.

FA Wucherer Heinz

Auf dia Scheibe lossa miar nou a Raketa drau
weil bam Wucherer z' Grof gibt's olles für'n Bau.
Ob Zement, Eisa, Putz braun oder weiß
dös ollas zu ama guata Preis.
Guat isch, dass es dia Firma bei ins do geit,
weil wenn s'Baumaterial ausgeht homm'r numma weit.

FA Wille Harald

Die Raketa isch aua und leuchtet gonz hell,
vom Harald d'Loschtauto fahre da Zement zur Tunnelbaustell.
Dös tuat da Harald ober nit v'rdriaßa,
weil bama Tunnel gibt's olli eppas zum begiaßa.
Ob die heilige Barbara oder a Durchschlagsfeier isch am Harry wurscht
Hauptsoch eppas zum Essa und ou für'n Durscht.
Die Scheiba isch g'floga gonz weit,
dass es nou an Haufa Tunnel z'mocha geit.

FA Wille Egon

An Böller isch ins des schuan weart,
dass d'Firma Wille z'Grof do steaht
Des isch für d'Fiurwehr nämlich gonz fein,
er deckt inser Fiurwehrrhalle mit Getränke ein.
Geba tuats bam Wille so ziemlich olls,
wos flüssig isch und passt in an Hols.
Und so manchi Firwehrgurgl tuats ou geniessa
drum tian mar d'rzua ou nou a Raketa schiaßa.

Horvarth Martha

D' Martha isch ja Uroma gwora,
und so hot sie sich denkt, s Wort 'Erzieha' hot bei mir iatz nix mia verlora.
Wenn ma die eigana Enkel ou verweant hot,
weart iatz s Urenkele mit Schockolade nou mia sot.
Martha tuas nit gor a so übertreiba,
sinsch bringasas nou viel länger zum aufpassa und nocha muasch nou leida.
Aber uns haba ins der Tommy und d' Julia no gseit,
dass mitm Kluana so gut auskimsch macht na a gonz feste Freid.

Horvarth Thomas

Dr Tommi woäß iatz, was pendla hoäßt
weil er jeden Tag vo Jenbach nach Kappl roast.
Kaum legt er im Büro da Schreiber aus der Hand
macht er sich auf ins Unterland.
Da bleibt für d' Fuierwehr numma viel Zeit,
so isch deis holt, wenn ma nachreist dena Weiberleit.

Fam Horvarth Erich Elisabeth

I atz hola mir der Elisabeth und im Erich d Scheiba aus der Gluat,
und möchte olle aufmerksam mocha dass es im Erich im Kreiz fahla tuat.
Des kimmt nit lei von der Molerei,
na ou von der Enkelkindertrogerei.
D Elisabet mus ihn nocha wieder stundalong massiera,
dassers nimmer so muas spiara.
Erich irgendwo wersch zrugtretta miaßa,
d Fuierwehr tut enk beda iatz Rakete schiaßa.

Horvarth Heidemarie

Gornit onseacha tut ma dass die Heidemarie vor der Matura steat,
des mog vielleicht doron liega weil sie jed sWochaend ausgeat.
Was sie danoch tut stet no nit gonz fest,
vielleicht baut sie sich als Aupair in Kalifornien a nuis Nest.
Das bei der Matura hosch leicht locha,
lossa mir no an lauta Pöller krocha.

Horvarth Iris

Mir oll wissa dass die Iris zu ihrem Freind noch Tarrenz pendla tuat,
nu seit sie ihr eigenes Auto hot, kriegt sie dabei öfter a Wuat.
Er tuat halt nit olli so tadellos gia,
und so bleibt er dazwischa ou holt a paar Mal stia.
Dass dr des Auto nu ganz long tuat marschiera,
muschas mim Marco halt richtig studiera.
Dass du in Zukunft a guate Mechanikerin bischt,
iatz für die in Himmel no a Raketa zischt.

Fam Nitsche Kurdoglu Gerald Brigitte

Des Karnerwaldele bald schua jeder kennt
falt lei an Wegweiser, damit ma si nit verrennt.
Bei dir da gibt si so mancher ein Stelldichein,
und alla tunkts recht schia und fein.
Und wer no nit mola kann,
der geat zum Gerald und fangt damit an.

Fam Schmid Robert Monika

Miar haba an Robert letzt Jahr vergessa zum Scheibaschloga lada,
und hoffa du wersch des ins nit länger nach troga.
Woasch es isch nit alli leicht jeden zum Derwisch,
obwohl insere Leut da gonza Tag durch Graf-Gurnau zischa.
Als Zuckerl hasch bei ins heind a Schnapsli guat,
und iats fliegt no a Scheiba frisch aus der Gluat.

Hauser Gerald Maaß Birgit

Da Gerald und d' Birgit tian miar huira o wieder begrießa,
dena zwoa gfallts da guat in Graf, sie wera ums dr-huam sein nit verdrießa.
Zentral gelegen - neba der Fuirwehrhalle wohna si - sie über jede Aktivität bei
ins im Verein bestens informiert,
Gerald du kannsch ja ou no zur Fuirwehr giahn wenn's di interessiert.
Dass es enk no länger bei in gfallt,
iats no an Böller knallt.

Maidel Johann

Dr Johann wollt seine Auto numma secha im Rega steahn,
drum hat er sich denkt da war a Flugdach ganz schian.
Des Dach isch aus Holz, die Wänd sein aus Vollbeton baut,
des isch sicher so gmocht, dass des kuan Wind umhaut.
Des Garagtor werd vielleicht oh nou gmacht,
da werd nacha Wind und Wetter ausglacht.
Johann tua halt mit deiner Familie o no s'Leba a bißli genießa,
drum wera miar dir iats no a extra schiani Scheiba ocha schiaßa.

Maidel Wilfried

Da Willi sieht ma viel im obero Gricht,
in Graf hingega ma I hn viel seltner sicht.
In Serfaus tuat er im Sportgschäft Gäst betreua,
daß sie kuan Urlaub in Serfaus bereua.
Die Kanta scharf, der Belag so glatt,
mei wie er viel Arbeit hat.
Zum Schluß wera miar dir no a Scheiba ocha schloga,
vielleicht wissa miar nächst Jahr epas nuis zum Soga.

Spiss Mathias Schmid Marianne

Mit dera Scheiba, dia mar weit aua schiaa,
tia mr da Mathias und die Marianne begriea.
Seit ama Jahr tia si bei ins in Grof da leba,
und a kluans Poppali hat's drweil ou schua geba.
Zu enkerm Biabla wnsch mar s'allerbescht
und hoffa, es tunkt enk fei in enkerm nuia Nest.

Matt Christian

In d'r Politik tuat sich d'r Christian schua lnger engagiera,
lei huira will'r ganz nach oba marschiera.
Bei d'r AK-Wahl tuat er kandidiera,
und hoffentlich viele Stimma kassiera.
Sprichla klopf a und die Leit an d'r Nase umchafihra,
sall magsch davor aber schua no trainiera.
Dass dei Vorhaba gut g'lingt,
an Bller im Feuer singt.

Fam Matt Richard Rosi

Dr Richard will gsund leba und sein Krper durchtrainiera,
da hat er sich entschlossa in a paar Fitnessgerte zu investiera.
Im Kallar hat er an Raum umfunktioniert,
und seine Gerte fest ausprobiert.
Da tuat er iats sei Kondition steigera,
und sich so mancher ungsunda Kost verweigera.
Da du die nit fest muasch mit deine Gerta ploga,
miar dir iats no a Raketa aucha joga.

Spi Roland

Dr Roland hat seine nuia Nachbara glei sympathisch g'funda,
und er verbringt iats fter dert viele Stunda.
Des isch aber nit ohne Folga blieba,
a Kind isch ja des schnste in der Liebe.
Mit dem Kinderwoga sieht ma ihn bald fter wie mit seim Golf umafohra,
ja ja so schnell sei deis Vaterschaftspflichta gwohra.
Miar wnscha dir und deine Lieben
Viel Zeit zum Schlofa in der Nacht bis Z'Morgatz um Sieben.

Matt Andreas

Dr Andreas hat sein Job im huriga Jahr tauscht,
man hat ihn beim Kofler gseha wie er im Lager uma rauscht.
Die Arbeit macht ihm viel Spaß,
aber im Summer gibt er beim Achleitner in I mst wieder richtig Gas.
Sei Auto hat er ou verkouft,
weil an Diesel halt viel billiger louft.
Mit am grüna A4 tuat ma die Madla glei guat imponiera,
da werd ma wenig Abfuhra inkassiera.
Miar hoffa du wersch ins wieder a mal bei der Fuirwehr unzterstitza,
drum lassa miar dir no a Scheiba aucha flietza.

Fam Matt Egon Annemarie

Dr Egon tuat seini Hund fest trainiera,
daß er bei dieWettbewerbe kann mitkonkuriera.
Im Oktober hat er es mit seina Vierbeiner wella wissa,
und isch nach Oberösterreich um bei der Staatsmeisterschaft mit zmischa´.
Da hervorrangenda 6ta Platz hat er da erreicht,
des war aber bestimmt nit leicht.
Dafür wella miar dir recht herzlich gratuliera,
und lassa iats no a Raketa aucha maschiera.

Petter Johann

In Joschi sieht ma um halb achte in d'r Friah,
alli auf d'r Bushaltestelle stiah.
Er tuat aber nit auf'n Bus nach Landeck warta,
sondern die Autos nach Landeck anhalta.
Beim Autostoppa kann ma sich an haufa Geld d'rspara,
und muss nit mit'm volla Bus nach Landeck fahra.

Matt Caroline

Die Caroline hat ihren Schatz im Pitztal gfunda,
da verbringt sie bei ihm viele Stunda.
Beruflich mecht sie iatz no weiter kema,
und nach dera Schul da Posta von ara Krankaschwester übernehma.
Nach Innsbruck werd si nocha wohl öfters miaßa,
dahuam wera epa all um di verdrießa.

Heimhilcher Franz Friedrich + Elisabe

Dar Franz Friedrich und d'Elisabeth lossa sich nix abgiahn,
dia hoba nämlich an Swimmingpool vor dar Haustür stiahn.
Wenns im Summer z'worm isch und d'Sunna ochalocht,
macht des gor nix wenn ma a Runda im eigana Freischwimmbad macht.
Dass as negscht Johr an schiana und worma Summer geit,
schiaßa mar enk dia Scheiba außa gonz weit.

FA Jais Werkstätte

D'Firma Jais isch ins huira ou wieder a Sprichli weart,
hot ma decht im vergongana Johr lei guats über sa keart.
D'Reparatura gian schnell und fix,
da hosch dei Auto glei gflickt wia nix.
Fürs negscht Johr winscha mar enk an Haufa Kunda,
zum salla draht d'negscht Scheiba a extra Runda.

FA Streng

Dia Bagger vom Streng, sei olla guat und ou nit olt
und hoba a Forb, dia olla kenna und ou guat gfollt.
Leit gibt's ober, dia tian si nit für d'Forb interssiera,
sondern bei Nocht und Nebel da gonza Bagg'r wegtransportiera.
Ma konns foscht nit glouba, an gonza Bagg'r isch weck,
und wo er g'stonda isch, isch am negschta Tog an laara Fleck.
An Böll'r und a Raketa lossa miar marschiera,
dass so eppas numma sell passiera.

Asia Cafe

Beim Asia Cafe gibts iatz ou an kluana Loda,
da kann ma an Haufa guate Socha hoba.
Wenn ma nit als darhuam hat kann ma schnell zum Asia Cafe loufa,
und det im Gscheft die fehlenden Zuatata koufa.
Fürs negscht Johr winscha mar enk olls Guat,
an Haufa Gschäft und dasses guat loufa tuat.

Schröcker Evelin

Di Evelyn mog so geara ihra zwoa Kotza,
deis mocht ou nuit, wenn si an da Möbel krotza.
An Genuss, wenn a Katzli um di uma streicht,
dia Viechla sei decht pflegeleicht;
und drzua viel praktischer wia an Monn -
ma schupft si vor Bettkanta, wenn ma sa numma hoba kann.

Fam Schröcker Hermann Elfriede

Da' Hermann kansch für viele Orbeita hoba,
do tia mar alli wieder eppas Nuis dr' froga.
So sichert'r Leut beim Dachdecka bei Schmida's Haus
und kuaner kimmt seim Karabiner aus.
Und habt's an Hunger fürwahr.
Dr Hermann kocht echt wunderbar.
So gießt er am Balkon schnell sein Geranien
und dauða beim Mr. Johns gibt's nocha Kastanien.

Schröcker Franziska

Bei der Franziska sieht ma öfter an Golf vor der Haustür steahn,
und ma sieht an junga Mann zum Haus zuacha geahn.
Ma hat sa o schua gsecha wie sie in des Auto steigt,
aber wia der wohl hoßt die ganze Familie schweigt.
in der Kindergartenschul macht sie hiura ihren Abschluß,
ni mehr Schul da gibts für di sicher kuan verdruß.
Iats lossa miar dir no a Raketa aucha leichta,
bis nächst Jahr wersch ins da Nama von deim Freund o no beichta.

Hotz Martin

Dr Martin hat letzt Jahr viel Zeit investiert,
und bei ihm dr' huam d'Wohnung renoviert.
Zearsch hosch miaða an Haufa Geld vorfinanziera,
aber iatz kannsch ja monatlich vom Mieter kassiera.
Da die Mieter inzoacha sein,
hosch an Haufa Zeit fürn Schäferhundverein.
Tua dein Hund mehr auf'm Platz uma joga,
damit'r numma tuat die andera so ploga.
Vielleicht kansch ou auf dem Platz amol a nett's Madli seia,
des tat ins Kamerada natürli am meishta greia.
Damit dr deis gelingt,
a Raketa in Himmel aua singt.

Fam Hotz Raimund Monika

Dr Raimund und d' Monika haba ihre Enkel zum Fische nach I schgl ingloda,
aber nach drei Stund fische hat ma dia Viecher bald besser koaft in irgend an
am Loda.

Am Fischeich in Stams war die Beute glei beim ersta mal viel besser,
akkurat wara dahum 5 Fisch unterm Messer.

Mir wüscha enk fürs nächste mal Fische Petri heil,

Und für enk fliegt iats no a Raketa in Himmel aucha ganz steil.

Hotz Lydia und Beate

D' Lydia und d' Beate tia unter der Wocha fest arbeita und schaffa,
aber am Wochenende in der Zwischensaison sei sie nur mehr dahoam zum Schlafa.

Die zwoa macha öfter an Ausflug bis ins Vinschgau und nach Lech,
wenn dr weil kema a paar Gäst haba sie halt Pech.

Am Telefon sei sie aber meistens zum dreicha,
es isch lei niemand darhum zum Katza streichla.

Miar wüscha enk viel Glück und Gsundheit im Nuia Jahr,
drum fliegt iats no a Raketa aucha wunderbar.

Hotz Hannes

Dr Hannes isch iatz im Lantech im a nuia Büro,
von der Uni hot er si verabschiedet, des isch aso.

Trotzdem isch er am Wochenende in Innsbruck zum suacha,
warscheinlich werd er da a Freindin bsuacha.

genaueres isch nit bekannt,
es werd o kuan Nama gnannt.

Zur erfolgreicha Abschluß mechts mir recht herzlich gratuliera,
drum lassa miar iats no a Raketa aucha maschiera.

Fam Hotz Oskar Edith

Dr Oskar und d' Edith haba im Summer mit dem Fahrrad a groaße Tour absolbiert,
sie haba danach ihre Fiaß gar numma gspiert.

Von Wien nach Budapest isch an weiter Weg,
über Feld und Flur über manchen Steg.

Bei den tropischen Temperaturen isch der Weg glei no mal so beschwerlich,
aber hinterher war des decht wunderschan und herrlich.

Dr Winter gibt enk iats bißli Zeit zum pausiera,
drum lassa miar iats no a Raketa aucha maschiera.